

沿革

周禮夏官職方氏掌天下之圖乃辨九州之國使同其利此地理之說所由昉也元和通典曰凡言地利者在辨區域徵因革知要害察風土是知建置不常而沿革所經胥可以考政治之得失古者不易民而治其亦有所不變者蓋州縣之設有時而更山川之秀千古不易運會之升沉隆替係乎一代之經理而流峙衍迤民物和會迹其已然堯畿禹甸在冊可稽詎不同此疆索與高平隸上黨爲天下樞自昔推攷靡常較他邑獨甚

高平縣志

卷之三

沿革

國家分疆畫野損益前規制度之美超軼百代而歷朝沿革亦有宜參稽並覈者爰徵往牒綜其繁互用資考鏡焉志建置沿革

高平禹貢爲畿輔支邑春秋屬晉爲趙獻子采地戰國初隸韓屬趙秦列郡縣以其地爲高都縣屬上黨郡漢改爲泜氏縣仍隸上黨後魏改隸建興郡後隸長平郡北齊省泜氏縣移治高平城改高平縣屬高都郡隋改高平縣隸澤州唐武德初改縣爲蓋州貞觀初罷蓋州徙治晉城縣天寶初復改爲高平郡乾元初復置澤州會昌初州隸河陽府縣隸澤州宋屬河東道金隸河北東

路平陽府元隸晉寧路明初改隸平陽府洪武九年仍
改高平縣屬澤州隸山西布政司今仍舊

考證

陶唐冀州之域屬帝都畿內 考亭文公曰太行山之絕

高處平陽晉州蒲坂山之盡頭堯舜所都也

虞冀州舜紹堯肇十有二州此屬冀 蔡沈曰冀州止有

河內之地今河東一路是也

夏冀州 蔡沈曰冀州帝都之地三面距河

殷冀州祖乙都耿屬畿內 郭璞曰殷制兩河間曰冀州

周冀州之分 春秋初為翟米辰所居外傳所謂草中之

高平縣志

卷之三

沿革

二

戎麗土之翟者是 戰國時為長平上黨地屬韓趙

秦屬上黨郡 通考秦置上黨分上黨高平樂平陽城等

郡皆是也

漢屬上黨郡 地理志曰上黨郡縣十四有泫氏縣

後漢屬并州上黨郡十三城 泫氏有長平亭

魏屬平陽河內上黨 魏建安九年操領冀州牧或說宜

復古九州以荀彧言不果建安十八年並省入冀至黃

初元年復置并州

晉志并州泫氏高都屬上黨郡 永興元年并州地皆為

劉元海所有 建興三年劉聰寇上黨四年遷 於

平陽後石勒所滅時據有河內十一郡并上黨等十三郡未幾轉相滅亡無子遺

北魏永安中置長平郡領高平泫氏二縣治高平縣隸建州舊云永安中初析泫氏置高平縣

北齊高氏仍元魏置建州領郡二曰長平高都 舊曰平高齊末改焉又省泫氏入高平屬高都郡

後周建高平郡併長平高都二郡入焉 唐開皇三年改高平郡為澤州澤州始此置長平郡高平縣隸

焉置司隸刺史分部巡察十六年析高平置陵川大業三年復改澤州為長平郡領高平等六縣義寧二年復

高平縣志 卷之三 沿革 三 改長平郡為澤州

唐分天下為十道此屬河東道蓋古冀州之域武德三年於長平置蓋州析置蓋城縣以隸之六年州移治縣屬

焉八年復澤州貞觀元年廢蓋州徙澤州治晉城領高平等三縣天寶元年復改澤州為高平郡領高平等六

縣乾元元年仍改郡為澤州屬河陽節度使 武德三年置總管府領潞澤沁韓蓋五州貞觀元年置都督府

開元中置河東採訪使 五代唐末屬昭義軍晉有潞澤仍曰昭義至梁晉之爭或

入梁或入晉 周世宗顯德元年親征劉晏戰高平獲

騎追擊長單騎開道將平陽而遁至宋太平興國四年
主師北征乃歸版圖

宋分天下州軍爲十五路屬河東路澤州高平郡縣六晉
城高平陽城端氏陵川沁水

金源屬河東南路澤州天德三年屬平陽府貞祐四年隸
澤州昭義軍屬上黨六年改隸孟州元光二年升陽城
爲勣州節鎮統高平等六縣正大元年以澤州爲忠昌
軍統高平等四縣

元初屬平陽路大德九年以地震改爲晉寧路置司候司
領高平等六縣後省司候司屬晉寧路以澤州領高平

高平縣志
卷之三
沿革
等五縣

明初隸平陽府洪武九年以澤州屬冀南道隸山西布政
使領高平等四縣

國朝因之雍正六年奉
旨改州爲府屬澤州府焉

附司昌齡高平郡縣沿革考

國史必志地理郡邑志必詳沿革余高平人也邑之
故宜知之嘗稽郡邑諸志或簡而多漏或繁而無統
繙閱數過終未昭晰則以高平今名也而古或爲長
平或爲高都或爲涇氏今又或誤以爲丹川高平今

魏四郡爲長平高都二郡省涇氏入高平屬高都郡
此後獨稱高平不復稱涇氏矣後周武帝建德三年
併長平高都爲高平郡隋文帝開皇三年改高平郡
爲澤州此稱澤州之始煬帝大業三年又改澤州爲
長平郡唐高祖武德元年置蓋州領高平等縣太宗
貞觀元年廢蓋州以高平等縣屬澤州玄宗天寶元
年改澤州爲高平郡肅宗乾元元年復爲澤州自是
高平縣屬澤州歷五代宋金元明無異焉統而言之
謂爲高都而屬上黨郡者秦也謂爲涇氏而屬上黨
郡者前後漢也魏也晉也仍名涇氏而屬建興郡者

高平縣志

卷之三

沿革

慕容永也後魏和平後永安前也析涇氏爲高平而
屬長平郡者後魏永安後也省涇氏入高平而屬高
都郡者北齊也以高平屬高平郡者後周也唐天寶
時也始以高平屬澤州繼以高平屬長平郡者隋也
以高平屬蓋州者唐高祖時也其以高平屬澤州而
相沿不革者前則貞觀至開元後則乾元至今雍正
間也古者縣有令郡有守州有刺史縣屬於郡郡屬
於州上黨郡在漢魏晉皆屬并州魏齊周所置郡則
屬建州隋文帝廢諸郡而以州治民煬帝改州爲郡
復置司隸刺史唐初改郡爲州蓋州澤州始屬絳州

縣也而古或爲長平郡或爲高平郡或爲蓋州縣今屬澤州也而古或屬上黨郡或屬建興郡或屬長平郡或屬高都郡或屬高平郡或屬蓋州蓋一地而前後異名疆域紛錯又他方之名長平高平者非一不爲疏別益滋譌謬今考歷代史志述吾邑古來建置沿革與所屬州郡府軍之大畧以及地之分合名之同異設爲問答兼總而條貫之俾學者易曉焉按高平在禹貢爲冀州之域春秋初爲戎翟所居後屬晉晉烈公元年趙獻子浣城泫氏戰國時爲長平屬韓上黨地遠韓近趙秦伐韓馮亭以上黨城市邑十七

高平縣志

卷之三

沿革

五

獻趙趙受之及白起破趙軍於長平遂入秦爲高都縣屬上黨郡前後漢魏晉俱爲泫氏縣屬上黨郡劉石苻姚之亂莫可詳究晉孝武帝太元十一年西燕慕容永稱帝於長子分上黨爲建興郡後魏太武帝太平真君九年省去文成帝和平五年復置時泫氏屬建興郡至孝莊帝永安二年改置建州治高都城領高都長平安平泰寧四郡長平郡縣二曰高平曰泫氏蓋析泫氏地爲高平高平名縣始此按魏書地形志泫氏作玄氏蓋誤遺水傍爲玄非魏真改名也今仍作泫氏又按隋書地理志云高平舊曰平高齊末改焉據此則後魏名平高至北齊始名高平今以魏書爲定北齊文宣帝天寶七年併

總管府繼屬潞州總管府後屬潞州都督府太宗分天下爲十道以澤州屬河東道肅代以後要衝大都皆有節度使澤潞爲昭義軍五代梁末帝改爲匡義軍唐滅梁改曰安義軍晉復曰昭義軍宋初曰昭德軍皆治潞州而以澤州隸焉宋太宗分天下州軍爲十五路置安撫使澤州屬河東路時猶存高平郡之稱金之澤州或隸平陽府或隸潞州昭義軍或隸蓋州又改爲忠昌軍皆屬河東南路元世祖初置司候司後廢之以澤州屬河東山西道肅政廉訪司晉寧路明太祖洪武元年澤州領高平陽城陵川沁水四

高平縣志

卷之三

沿革

七

縣屬平陽府九年直隸山西布政司冀南道

皇清因之後改冀南爲冀寧至雍正六年陞州爲府增置鳳臺而高平爲次縣此吾邑古來建置沿革與所屬州郡府軍之大畧也或曰高平之名始於後魏澤州之名始於隋旣聞之矣乃唐旣有澤州又有蓋州俄又專爲澤州其分合可詳歟曰余考舊唐書武德元年於高平縣置蓋州領高平丹川陵川蓋城四縣又於濩澤縣置澤州領濩澤沁水端氏三縣此蓋州澤州之分也二州之外仍有建州領晉城縣六年廢建州自高平移蓋州治之而以晉城縣屬蓋州八年移

澤州治端氏九年省丹川蓋城貞觀元年廢蓋州白
端氏移澤州治晉城領晉城端氏陵川陽城沁水高
平六縣此蓋州澤州之合也或曰高平本縣也而魏
齊以長平名郡周以高平名郡隋大業又有長平郡
唐天寶又有高平郡沿革無常似非一地其郡治景
皆安在且唐於高平縣置蓋州豈蓋州卽高平歟曰
魏長平郡治泫氏城見地形志齊因之周高平郡治
卽齊高都郡治隋開皇之澤州治丹川則大業之長
平郡亦治丹川唐貞觀之澤州治晉城則天寶之高
平郡亦治晉城州郡改而治不改也以此推之則魏

高平縣志

卷之三

沿革

齊之長平郡治在吾高平而周隋唐之長平高平郡
治不在吾高平矣至蓋州卽高平則唐志可據相傳
今邑米山鎮爲蓋州理或然也第蓋州之治始在高
平而後在晉城耳或曰丹川晉城陵川蓋城古未有
是名未知其與高平一地歟二地歟曰丹川之縣置
於隋晉城之縣治於唐隋之丹川卽魏齊周之高都
也隋開皇間改周高平郡爲澤州而以高都爲丹川
也其地卽今鳳臺縣丹水雖源於高平之西北而其
流盛於高都故以丹川名縣唐武德三年移丹川於
澤澤水北爲蓋州於古高都置晉城屬建州此丹川

晉城之分也九年省丹川入晉城此丹川晉城之合也隋志有丹川無晉城唐志有晉城無丹川故知丹川晉城分之則二合之則一也隋唐志於丹川晉城外皆有高平故知高平自爲一地非丹川晉城也而或者謂高平爲丹川誤矣按隋書地理志丹川注云舊曰高都後齊置長平高都二郡後周併爲高平郡開皇初郡廢十八年改爲丹川詳其意蓋謂改高都縣爲丹川縣也澤州志誤謂改高平爲丹川縣遂滋訛謬如謂於高平郡置丹川縣則畧通然實是初改高平郡爲澤州而後又改高都縣爲丹川縣也至陵川則隋開皇十六年所置蓋析高平東境爲縣而唐宋至今沿之獨元初省陵川入晉城未久而復蓋城縣則唐初析丹川陵川地爲之數年

高平縣志

卷之三

沿革

九

卽廢今陵川縣有蓋城村疑其舊治約而言之丹川晉城皆漢高都地也高平陵川皆漢泫氏地也或曰所謂地之分合亦旣聞之矣至於名同而地異者可悉數歟曰是仍當考諸史志矣竹書紀年慎靚王六年鄭侯使韓辰歸晉陽及向二月城陽向更名陽爲河雍向爲高平括地志謂高平故城在懷州河陽縣西四十里戰國策蘇厲爲齊遺趙王書云反溫軹高平於魏卽此又芒邠使魏昭王猷長平王犀洛林之地於秦史記秦昭王四十二年東伐韓少曲高平授之其地皆去澤州不遠然不可卽以爲舊高平也又

始皇五年將軍鷲攻魏長平拔之年表魏州劉嘉封
高平侯皆非吾高平前漢志豫州汝南郡有長平縣
徐州臨淮郡雍州安定郡皆有高平縣後漢志豫州
陳國有長平縣兗州山陽郡有高平侯國涼州安定
郡有高平縣晉志兗州有高平國高平縣豫州潁川
郡梁國皆有長平縣荊州邵陵郡有高平縣又元帝
有僞置高平郡宋志有南高平郡高平縣屬南徐州
有高平郡高平縣屬兗州又陳郡有長平縣屬豫州
邵陵郡有高平縣屬湘州南齊志南徐州有南高平
郡高平縣豫州陳郡有長平縣北兗州有高平郡湘

高平縣志

卷之三

沿革

十

州邵陵郡有高平縣如此之類或同而異或異而同
皆非吾高平也至志於魏書者高平之名尤多有兗
州之高平郡高平縣有東楚州之高平郡高平縣有
南建州之高平郡高平縣有涇州新平郡之高平縣
有原州之高平郡高平縣此四高平郡五高平縣皆
非吾高平也隋志淮南郡有長平縣唐志彬州桂陽
郡原州平涼郡皆有高平縣亦皆非吾高平也他如
山川鎮堡屯營陵渠之類亦有以長平高平名者惟
長平城長平亭長平關爲吾邑耳又吾邑有丹水而
弘農南陽亦有丹水出上洛冢嶺山故漢晉宋齊魏

隋皆有丹水縣凡此皆名同而地異者也夫惟致辨於地之分合名之同異而後一邑之疆域明一邑之疆域明而其人物事蹟乃無郢書燕說之謂吾邑舊志概不詳究如虞溥郗鑿徐招檀翥兗州之高平人也蔡襲蔡祐田弘雍州之高平人也皆入吾邑至博州博平之王友直亦謂爲吾邑人蓋因宋史博平誤作高平不知自後魏永安以前吾邑無高平之稱而宋之博州未嘗有高平縣也且崇祀鄉賢忠孝祠承譌踵謬莫甚於此澤守陶公州志朱公府志雖知其失然亦不能盡正而他所增引者又未免有誤也故

高平縣志

卷之三

沿革

十一

余歷考史志而具論之若夫濩澤之爲陽城端氏之爲沁水古屬河東河內又以安平泰寧名郡其建置沿革分合異同亦學者所宜知然名地易辨非若高平郡縣之繁互而難稽也故不復詳著云

按九州分域三代建統秦漢以還郡縣增置名稱廢設多難援引况此方春秋淪於荒微前後五代戰爭攻取得失如棋其所易置愈難眉列博稽往籍畧得指歸爰條列於前司君昌齡拾遺一卷引据辨証簡括明悉錄附於後易曰改邑不改非後之覽者其一得所考核歟